

昆明去22

76630

地 342.101

42

21~3

隆安縣志

上冊
黃翹題

隆

茂

安

紀

廿三

重

修

鼎

黃朝顯

志

重修隆安縣志目錄

卷首

重修縣志弁言 凡例 編輯等姓名 原序 原凡例

卷一

世紀前事考併 沿革表 區域表 各種統計表附

卷二

官師表 選舉表

卷三

地理考 輿圖 疆域 形勢 地質 山川 關隘 氣候 道路 津梁 水利 古蹟 名勝 電政
郵政 社會

卷四

建置考 城池 廨署 學校 兵防 壇廟 寺觀 塔墓 局所
食貨考 戶丁 田稅 課賦 經費 積貯 經濟物產併

隆安縣志

卷首

目錄

一

民廿三重修印本

卷五

藝文考 書目 文 詩 曲 文化附

卷六

宦績傳 鄉賢傳 忠義傳 孝友傳 文學傳 列女傳 流寓傳 仙釋傳
雜記附

重修隆安縣志弁言

春秋經也其實則史褒貶簡賅稱爲謹嚴然非傳無以明其底蘊傳之者三家左氏最著尙有誣及浮夸之譏自是而後史不絕書積至二十四部雖謂史記兩漢三國爲優而譏者且烈於左氏遑論四史以下甚矣作史之難也吾隆縣志其從前所云袁璧及無名氏等書閱已無存遂以民二之志爲根柢廿一年邑人士以世事日蹟歷久恐多遺佚因於第八次教政會議議決重修縣志推選會員十人有奇負擔此舉呈請縣府委任重厥事也既而會中人自議分工合作但辦事迂緩復有辭職者有辭世者或選補或不選補加之散處一方大半各有服務僅於開會時偶一聚首有時一事未辦談笑而散以致初定爲三個月率延至歲餘不能早日出版且經濟有限不足以另聘鑒定因而會中人自行推舉劉興甫潘朗軒及朝桐三人同爲總編輯竊以劉潘兩君學問優於桐年齡長於桐閱歷深於桐惟桐念及太史公言學必言游邑中舊學稍能行遠今存在者止此三人之數故桐亦不辭而任之雖然任事以來請更正者請增加者請芟除者實繁有徒不免有羝羊觸藩之感且對於舊志不無出入昔務矜慎今但苟簡昔重來歷今任通融反之或又無力可修而不實不盡之弊仍不可謂爲能免焉夫志亦史也作史之難既如上述我三人又何敢託乎撰著抑以應一時

隆安縣志

卷首

弁言

一一

民廿三重修印本

之撫拾而已初劉君囑潘君撰序以次及桐桐以敬長之意起稿經請劉潘兩君點定之於是乎書
中華民國二十三年五月邑人黃朝桐謹識

重修隆安縣志凡例

- 一 此次重修純從舊志爲底本而以分區采輯爲根據
- 一 對於舊志有增刪處仍根據采輯並非臆造有時直將原文竄改不注以刪改字樣
- 一 此次雖有弁言以紀緣起凡例以記事實而原序與原凡例仍存
- 一 前事考舊志另標目錄此次併入世紀至輿圖則歸於地理貞節則改爲列女俾得消納咸宜
- 一 舊志有風俗無社會此次改風俗爲社會仍納風俗於社會中以歸一類
- 一 風俗舊無方言方音土歌此次悉爲增入
- 一 舊志食貨無經濟此次增入經濟
- 一 輿圖與舊志稍有伸縮且依自治新編將舊五區改爲十六鄉並分彩色以清觀覽
- 一 區域表與舊不同然仍存舊表以資對照
- 一 水道只論其入境出境不論遠脈例如大河由思林果德西北來至那勞塘入境東南流至白馬合可瀘江出境入邕寧界山脈仿此
- 一 舊志山水經仍照登錄以備參考

隆安縣志

卷首

凡例

三

民廿三重修印本

一 舊志編纂武緣黃誠沅同參校縣人梁鳳翹程宜謙劉振西陸翹萱陳廷文何濱盧瑞和盧啓賢趙石麟趙學俊陸連超劉振漢潘受瑩黃朝桐陸繹義屠樹泮陳汝椿陳維溥錄存於此以紀舊蹟

- 一 史志與其他文集不同不須用跋且跋卽書後舊志以跋居首更爲不合今刪
- 一 標注采訪采輯志稿種種字樣以及引証書名或係原本或係重修信手抄來多不識別

重修隆安縣志者姓名

總編輯者 劉振西

潘受瑩

黃朝桐

采輯者 陸杏林

黃尙魁

周甲

張國光

屠樹枏

鄧濟益

陸文甫

周建禧

隆安縣志

卷首

重修縣志者姓名

四

民廿三重修印本

原序

邑於前明析宣化地爲縣向有袁璧誌二卷無名氏誌一卷今皆弗存前清光緒三十年李公質夫來宰是邑始集士紳分團採訪彙而記之乃有今日之誌稿顧其爲篇率不成帙取便綜覽恆慮不完民國方新壽祺適膺斯邑公餘之暇復集士紳而議之曰隆安縣誌所以信今而傳後倘不爲之裁定而付諸剗剛不幸一旦散失而斬其書於後人以後之人而傳數千百年之事靡論其不足以傳信而得失之鑑固已紆矣則縣誌之刊行誠不可以須臾緩僉謂洽於史裁者之難得其人維時黃雲生先生自滇旋武鳴邑紳梁君星南乃函聘爲之纂輯復擇明通有學者爲之釐定應增者增之應改者改之閱四月而書告成惟寫梨棗爲時過促徵集事實容有未盡然而時事之改遷風化之得失已大略備是矣將付梓雲生先生囑爲之序不敢以不文辭爰揭大旨告我邦人陳辭之陋所不恤焉抑壽祺更有進者隆安雖蕞爾邑而水土溫和物產殷阜讀是篇者苟能於土地區域講求盡利擴張而發達之則此書之成其有造於隆邑前途良非淺鮮夫豈僅修史修志之採擇云爾哉民國二年十月臨桂陽壽祺謹序

原凡例

隆安志創自明代萬曆己丑迨謝蘊山纂修廣西通志時尙有無名氏之縣志一冊迄今百年有餘歲月滄桑并此亦散失不可復覩若不亟爲詳述梗概昭示將來曷以存獻徵而明教化爰取近人所輯志稿旁證羣書彙成一編以質當世碩學君子幸其正焉

一本書既括人物典制而概稱曰志則風土營建職官賦役學校兵防選舉名宦人物文藝紀事之屬不得不仍從志之公稱蓋志乃全書總名不容複事蹈襲爾茲仿照通鑑目錄之意將紀事一編改標世紀弁諸編首以持綱領庶全書條貫不致散漫無章然皆筆削謹嚴不使一字稍涉冗漫而失國史體要雖似駢拇實本史氏家法

一圖學古有專門漁仲論之詳矣子長爲史獨取旁行斜上之遺列爲十表而不取象魏懸法之掌列爲諸圖於是後世相承志傳愈繁圖經寔失以致數百年來郡邑各志名雖有圖而俱視同弁髦弗適於用斯中國之所出日弱也茲編旣以大雅是宗則於輿圖一道不能不細加考覈如法精繪庶幾覽者獲收實用之效

一史志之著職官則詳其制度述選舉則明其典則故不能不爲之志至於輿乘所書不過歷官

隆安縣志

卷首

原凡例

六

民廿三重修印本

先後籍貫出身與夫科舉甲庚仕履世系耳年經事緯按格而稽已足有所考索何必分類相從遂使康熙訓導貢生次於雍正教諭舉人之後耶茲與沿革區域並列爲表以豁眉目

一四表之下宜繼之以考也沿革區域官師選舉旣已別立爲表則地理風土丁賦藝文及一切典制自應詮次顛末折衷疏證比類成編俾後之人得所依據以備他日讐校取材繹考之爲體乃做書志而作史遷八書孟堅十志綜核典章包羅甚廣茲師厥意立地理前事建置食貨藝文五考統氣候疆域形勢山川水利關隘津梁道路風俗於地理併災祥於前事該城池廨署學校兵防壇廟寺觀塔基於建置列丁賦稅課經費積貯物產於食貨其藝文一考按諸體裁本應專載書目而以有關斯地之篇章散入各本條下奈書闕有閒著述無多勢不能不一變古法彙萃詩文記序充數矣

一考後次以宦績鄉賢忠義孝友文學貞節流寓仙釋八傳有改無削其志稿之所遺漏者則廣爲蒐補以增山水之光他若畸言脞說無當經綸而有資談助者則勒爲雜記一類用存軼事蓋志乘固貴詳贍條理仍忌混雜殿諸篇末不惟制斷精嚴且與世紀首尾相應

一自宋人取瀟湘勝概題爲八景嗣後纂方志者無論通都大邑十室之聚莫不漫將境內山水寺院強叶景物律之以八角半率可厭殊甚此外謬妄門類尤以分野占候爲第一支離是編

苟循庸俗踵爲襲陋用特概行芟去以歸簡潔至於官號地名均就當日稱謂據實直書不作文語以滋後人之疑

如知縣即曰知縣不曰令同知經歷即曰同知經歷不曰分府司馬參軍雲南四川不曰古滇西蜀之類餘倣此

一無徵不信故著述一道除議論可以任意縱筆自抒己見外舉凡注書纂書均須將引用之籍標明出處不使一字無來歷古書志稿有明文者固著原書名目若新收之事無書可注者則以案册探訪別之所以如此矜慎者藉明全書信而有徵並無一語鑿空杜撰也

太歲昭陽赤奮若且月滇南舊史武緣黃誠沅雲生撰于隆安縣城之高公祠志局

重修隆安縣志卷一

世紀 前事考併

明

世宗嘉靖七年春二月提督尙書王守仁將湖廣江西廣東廣西兵撫平思田日兵盧蘇王受等改

田州爲田寧粵西守仁於思田既議設流官又議添設流官縣於思龍明史土

十二年置縣建署

十三年建典史署

十四年築城

十六年知縣章珪建學宮於北門內

二十五年知縣姚居易建城隍廟

三十七年知縣姚居易構城樓

三十九年知縣姚居易遷建學宮於今所

隆安縣志

卷一

世紀

一

民廿三重修印本

四十五年革那造驛

神宗萬曆元年知縣何一麒重建縣署

二年知縣何一麒設社學四十二處

十四年學宮毀於潦知縣袁璧修

十七年知縣袁璧創修縣志

四十三年教諭莊一德遷署於今地

四十六年大旱賊掠隆安知府林夢琦剿寇殲魁立隘保民士民德之立祠以祀府志

莊烈帝崇禎三年知縣余興賢建望江樓

四年二月知縣余興賢擢靖州民思之立石道側

清

聖祖康熙八年知縣鞠珣行取去民爲立碑

九年知縣查繼甲修葺城垣

十年重建望江樓

十一年查繼甲捐修學宮



十八年知縣史宗瓚修學宮 遷建典史署 設哨船四隻
二十二年知縣徐黃嗣修學宮
二十五年知縣盛國俊修學宮建義學
二十六年修九門橋 廢洪寨司 增設哨船十隻
二十九年知縣盛國俊建常平倉
三十年知縣楊燮訓導李克誠典史司朝常修學宮
四十七年建關帝廟
五十年復修九門橋
五十七年知縣張廷超增建常平倉
五十八年知縣王輅修學宮
世宗雍正元年設大哨船一隻
二年知縣趙溯岸復設那重社學 建節孝祠
五年知縣趙溯岸建先農壇置耒田
六年那樓寨巡檢兼理果化土州吏目 署知縣徐德秩教諭喻聖傳修學宮

隆安縣志

卷一

世紀

二

民廿三重修印本

八年知縣劉觀棟修學宮

十年建社稷神祇二壇

高宗乾隆四年縣人馬乾彰成進士

七年知縣劉震信重建關帝廟

十七年裁那樓寨巡檢

二十四年知縣赫生額修學宮

四十六年縣人馬延承成進士

四十七年知縣曹蘧重建縣署

五十七年署知縣張樹績建榜山書院

仁宗嘉慶六年縣人陸禹勳成進士

禹勳即禹貢

宣宗道光二年知縣鍾孚吉倡建試院

二十五年附生周文裕計擒土匪盧三哲乃富本截之稿

三十年十一月龍庄鳳庄土匪作亂立堂名得勝義勝劫掠鄧炎橋建積發中孚進逼縣城

隆邑春秋得

勝堂匪擾啼恭村生員周文裕潘濟邦率十圖練勇往禦之敗績團練死數百人周潘二生遇於難
遂進掠城廂踞下顏據隆安紀亂鼓詞永康匪擾橋建古潭那重馬村啼恭志稿

文宗咸豐元年四月宣化土賊林一昌踞丁當墟武緣知縣彭昌集討平之平桂紀略八月土匪陸鵬理

與其黨凌亞東為害本邑署知縣高延祉誘殺鵬理阿東乃聚集亡命黨為復仇志稿土匪大起競

立堂名號曰洪家打單劫村地方不勝其擾據隆安紀亂鼓詞十一月署知縣高延祉死於賊據碑凌亞東

踞橋建尋為墟人所殺客匪黃十二乘其敵率黨突入據之遂劫古潭及下九圖隆邑春秋合邑舉辦

團練同上

二年民失耕種又值旱魃為虐斤米百錢據隆安紀亂鼓詞

三年大旱各土匪加派納月規錢民間多以草木為食飢死者甚多同上七月蝗據雜見

四月本邑土客各匪紛起拜臺七月客匪首盧七即盧義剛袁晚即袁國祥闖入縣城佔踞汛署邑
令邱玉璋無可如何祇得勉與交好盧乃遣黨梁四梁五往紮下顏其弟盧四義強盧五義某分駐

隆安縣志

卷一

世紀

三

民廿三重修印本

楊墟南墟土匪羅金盛屯古潭周平瑞據橋建小林那桐則遣客匪黃八晚沙蟲守之尋以甯大黃

十二往代盧四盧五擾攘者計凡經年參據隆邑春秋及隆安紀亂鼓詞案梁四名饑據隆安紀亂鼓詞

五年六月盧四盧五糾集下顏各匪來攻縣城敗還同上袁晚卒為盧四所逐隆邑春秋

六年匪首黃八晚林七馬四大進踞平毛勒派居民為其建閘築壘加派單錢與盧七逐日互鬥不

勝大掠各村婦女財物退回小林據隆安紀亂鼓詞

七年六月髮匪自南寧上竄百色路經隆安令民領錢百文交米十斤另派柴草銀錢同上十二月

匪箴益熾民無安居同上

八年合安堂土匪逐盧七出城同上周平瑞先命部眾由橋建來攻盧七盧不敵棄城走軍隊入城

稍肆劫掠婦女受辱者不少平瑞後到始下令嚴止由是那桐小林楊墟南墟下顏各客匪皆一律

逃遁平瑞使甘大蒲六守縣城金羅盛駐馬村古潭雷宜仙扼那桐小林池際陸什壁佔南楊二墟

梁四梁五仍紮下顏平瑞回踞橋建勒派通縣每月納規以充匪餉作福作威無所不至孫邑侯堃
至與結為金蘭呼之以兄繼任者為許邑侯德基雖甚仁明然無權無勢於亂事毫不能挽救據隆邑春秋

秋案原書作六年事恐誤茲從隆安紀亂鼓詞

知縣孫笠劃一大小糧從周平瑞之議邑人載之志稿及探訪

十年建高公祠

穆宗同治三年疫隆安紀亂鼓詞

五年土匪羅茂為晚作亂知縣許德基請兵助剿因乏餉乃按照糧額每銀一兩加征三百文事平竟不裁革民甚苦之志稿

六年鎮安土匪盤輪七入據南墟尋遁還上同下顏土匪梁四投誠梁四乘亂征十二圖稅十餘年

民間多被蹂躪至是投誠志稿

七年周平瑞與土匪雷某互相攻擊隆安紀亂鼓詞天保匪竄隆安團練周平瑞招撫之志稿

八年修望江樓

九年上台循知縣馮瀨之請發兵兩營來剿匪官軍大勝誅匪首任長明林世山隆安春秋

十年知縣張萬選調集團練誘擒匪首梁四適維金盛又反於洞造萬選大怒乃斬梁四縣署照牆之下請兵臨隆助剿軍官覃姓者率師至與匪大戰於花潭戮金盛周平瑞懼奔避雲南隆安平

隆安春秋隆邑萬選罰周平瑞黨某數人各數百十金入資興以贖從周之罪勒石於文昌門內魁星樓下美

隆安縣志

卷一

世紀

四

民廿三重修印本

其名曰捐探訪

十三年修縣城并開南門知縣姚清臣以查封逆產歸入地方為資興經費

德宗光緒七年八月大水探訪

十二年八月奉革思十圖月派打掃衙署民夫十名案册

知縣劉應禎與土豪三人勾串丈田每畝收錢五貫先至橋建舉行夜宿於墟中北帝廟是時周平瑞致仕家居竭力反對眾將圍其廟劉出謝過事遂罷探訪

十五年設電線經縣境探訪

十六年知縣余銘勳捐設城廂內外義學

十九年五月虎入城獲而磔之上同

二十年重建學宮砌文塔

二十二年知縣陳增玉勸捐義倉積穀志稿

二十五年土匪盧義剛等倡亂迫人拜臺探訪

二十六年土匪閉運培作亂與客匪王和順黃五肥迭攻南墟楊墟那灣那重 知縣李均琦加高城垣

二十七年閉運培初與團總某有隙逸去爲匪其後黨羽日衆是年與陸以曜攻刦橋建墟中團練練長廩生雷緒基慘被用洋油燒死奪去團槍十餘枝殺練丁十餘人擄緒基妾氏強逼爲妻探訪

二十八年正月閉運培大張筵讌與母爲壽防營黎管帶督兵往捕不獲最後署縣李家彬率練圍之於山將就擒機泄遁去以致兩三年間邑里爲之騷然上同 夏旱饑疫交作外匪王和順黃五肥

攻那重廣東善士伍姓運米來賑船至那重遇害是年閉運培李八王和順黃五肥合攻積發村附生何其爵與守望團勇擊退之志稿

二十九年四月疫黃五肥閉運培復掠那重上同 署縣李家彬率團練合力擊匪於那穰禮梁邑真等處黃五肥敗竄永康最後爲永康團練槍斃王和順亦遠遁閉運培勢孤十一月乃出受撫未幾

仍服上刑探訪 立電報分局 十二月裁隆安汛

二十六年至二十九年此數年又旱又匪又瘟疫災害並至民不聊生如南區之匪首閉運培陸以曜東區之匪首盧義剛盧義強甘大明哪咤三王振德黃錦德夥同南甯之匪首王和順李八永淳

之匪首黃五肥等專在縣屬打官刦舍竊收行水逼民拜臺拉生勒贖遍地盜賊無處可逃即如附城新街匪徒肆無忌憚竟敢公然入街拉去何永瑞勒贖數千幸得李家彬來接縣篆即集合北門街及安良守望各團練設立德軍總局局內辦事諸人梁鳳翹劉振西陳允敏陸杏林潘受瑩王家典程宜訓陳廷文黃文憲等均能同心一德力盡義務一面籌款一面募養練勇二百餘名舉何其爵爲管帶以李翹芬盧啓賢潘揚秀爲哨官督練剿匪不數月始將匪首殲滅招撫脅從地方賴安縣人紀念李家彬因建去思亭在書院前今亭探輯

三十二年貢額倍取 立兩等小學堂 以各哨隘兵工食撥抵知縣親兵口糧

三十三年旱饑 裁教諭 立勸學所

宣統元年劃分縣境爲五區 設郵政局志稿

二年學署前木棉樹有白氣如烟自枝柯出月餘乃止上同

三年立初等女子小學堂 裁勸學所志稿 八月晝晴忽晦如夜天星出現探訪

宣統末造政局大變縣屬歹人蠢蠢欲動各父老有見於此敦勸劉振西出任民團總局局長募養游擊三隊舉黃其新盧受封李春魁三人爲隊長日夜督隊梭巡邊境以遏亂萌故縣屬地方較別

縣幸得相安輯

民國

元年自治會成立志

三年裁自治會探

四年七月大水

五年勸學所規復

六年立保衛局

九年裁保衛局規復自治會 三月清明日太陽旁有數白圈環繞之

十年立教育會 東軍寇武鳴過境派附城各村民人當佚路上逢人即拉是以該軍將拔隊時聞者預行規避供同

南區古潭匪首陸桂芬桂茂兄弟招集匪黨數百到處劫掠拉人勒贖縣屬東南一帶悉被蹂躪勢甚洶洶縣城爲之震恐後有馮保初來收編堅不肯出謂素與團總梁雕麒陸春艷有仇俟得兩仇人親手刃腹即受編等語馮某急於升官遂聽其所爲桂芬即假意請酒使人邀之略謂今日我等受編當與爾等盡釋前嫌雕麒春艷逕去詎甫入門竟被桂芬等揪縛一面與馮某飲酒一面對雕

隆安縣志

卷一

世紀

六

民廿三編修印本

麒二人大肆謾罵旋對雕麒春艷誘以罰款贖身之約彼兩人不知是詐立即着家人傾產各以數百金送交桂茂次早即拔隊帶兩人到某處仍與馮保初飲酒乃將兩人凌遲處死春艷一子同時遇害後保初往梧州就軍營職旋被捉繳鎗桂芬亦病死桂茂竄入賓陽久之犯案槍斃探

十一年勸學所改稱督學局探

四月初三日粵將馬曉軍由平馬率隊反粵是夜分駐街城本擬詰朝即行適探報前途有那龍著匪盧子美糾合匪徒數百自稱自治軍攔截去路云云等語粵軍遂戒嚴不走至初六日盧子美與粵軍在西門對嶺大戰至下午七時城破粵軍敗走下顏盧子美入城衙署財物盡行抄擄署內檔案燒燬無留監犯亦放縱淨盡督學局及縣校所有圖書器具悉遭蹂躪自治會之槍礮什物搬運一空民家被劫者惟黃德珍一家商家被劫者惟長盛龔勝祥兩號餘尙不動盧子美連日在街城只有向各富戶籌款對於粵軍毫無防備初九日早粵軍由下顏直下攻城盧子美等一聞槍聲即倉皇逃走不敢與戰各家什物被粵軍搜括殆盡初十日早粵軍下河邊挑水被東岸擊斃水仗二人粵軍怒遂分道攻入東岸燒燬民房四百餘家方率軍一路回粵探

十二年督學局復稱勸學所探 五月空中有聲如雷現出一團白色大數尺自西北來至東南而隕好事者請扶乩其降乩有四句云非雷非鼓聲聞于土欲知吉凶問於齊楚同 復裁自治會

滇軍過境城廂內外及附近各村民房俱駐滿^上

十三年勸學所改稱教育局 縣立高小校及各區高小校改爲縣立第一二三四五小學校

十四年教育經費獨立 增縣立第六七八小學校

十五年立團務總局 各區團務分局 縣財務局 毀城隍廟神像 立中國國民黨隆安縣黨

部 由糧額每銀一元加征二成國幣爲義務教育費^上

十七年立植桐會 講演所 由糧額每銀一元加征三成國幣爲解省教育費 又每銀一元加

征二成國幣爲初中校經費 又每銀一元臨時加征六成爲架設電話費次年革 又每銀一元

臨時加征一成爲縣訓練經費次年革 立救濟院^上

十八年文廟之東西兩廡神主被焚燬^上

十二月共首李明瑞二次陷縣城復有東窺省垣意縣屬東南區人士鑒共匪之兇燄方有組織抗
共委員會之議被共匪探悉遂乘該會組織未就遣派匪徒二百餘人聲勢洶洶竄下南區喬建旋
圍搜團局槍械細綁局練槍擊局長葉愛軒葉爲黨員幸未命中又搜劫元興號轉竄過東區那桐
時適廢曆除夕人心恐慌各自扶老攜幼紛紛逃避爲狀至慘該共匪又以縣人李先華曾充省黨
部監察委員係清共健者乃又悉數上那重圍搜其家幸先華先事走避惟一切財物被掠一空損

隆安縣志

卷一

世紀

七

民廿三重修印本

失頗重該匪旋折回那桐分隊駐喬建連駐三日夜戒備森嚴一般民衆皇皇不可終日尤以鄉紳
黨員爲最迨田南清鄉司令李奇率大軍西上該股匪始遁回縣城乃有隆城勦共三日之大戰云
是月初五日縣城內李幹爲紅軍鄉導帶領數千紅軍至縣城駐紮聞有官兵到十一日紅軍即拔
全隊退回果德後偵悉官兵回邕二十二日大隊復到縣城在縣署設立蘇維埃政府隨發出布告
決定出年新正月初九日在縣城開民衆大會又收買草繩數百斤如有頑抗不服從命令者即行細
綁民衆聽聞異常驚慌又不敢逃走惟有坐以待斃而已十九年正月初三日李幹同□□帶紅
軍四五十人到守望團圍梁日超之屋梯入屋內逐處搜尋幸日超早已遠避李幹遂一無所得而
去第二日李幹又同□□騎馬帶紅軍十餘人再到守望團入興隆學校巡視據云欲分紅軍兩
營到此駐防幸初六日省軍忽到與紅軍大戰三日兩夜紅軍大敗遁回果德隆民始免此一場大
阨嗣後各村民到各戰地尋拾彈壳由官廳收買至數百斤之多此番戰事計兩造死亡不下千餘
人採輯

十九年三月有風夾雨自北而南勢極猛大木斯拔磚走瓦飛城東之文廟其建築物素稱鞏固而
怪風過處自屋頂脊及兩旁脊連瓦被風席捲向後面脫落淨盡前面瓦脊却無損分毫大成門之
石碑及兩邊磚壁亦吹倒大半廟前有去思亭尤掃爲平地風力之猛爲向來所無或云有大蟒每

年三月間去拜掃省墓所過爲災語近荒誕姑記於此探輯

關帝廟高公祠神像節孝祠神主俱被毀 縣立女子小學校遷於城隍廢廟 按照糧額每銀一元臨時加征二成爲養練費次年革探訪

廢團務總局 立民團司令部 民團參議會 改各區團務分局爲各區團局各區鄉團局同上

二十年縣初中學校成立 設清潔會 再增縣立第九十小學校 分全縣爲二十三鄉 徵調每鄉壯丁三人充當常備隊 按照糧額每銀一元加征三成爲民團司令部費後司令部奉令經費由省款撥支次年革 廢縣財務局改立地方財務局統管教育經費 孔聖神主兩旁及頭上所雕飾被拆毀惟存板身街頭并毀後殿四配十哲諸神殿神主拆卸大成門名宦鄉賢等處磚瓦爲中學校圍牆泮池亦已毀壞堆積垃圾於內同上

二十一年立自治籌備委員會 編壯丁爲後備隊 裁民團參議會 立各區息訟會 改良風俗會 建設會 停中國國民黨隆安縣黨部 按照糧額每銀一元臨時加征五成以爲購置團槍 又每銀一元臨時加征四成爲建築公路費

二十二年建築公路 立民衆教育館同上 裁地方財務局歸併縣政府 改立地方金庫 裁教育局歸併縣政府辦理 改分全縣爲十六鄉 裁各區團局各區鄉團局 立十六鄉鄉公所

隆安縣志

卷一

世紀

八

民廿三項修印本

架設電話

二十三年將舊縣署大堂屋宇改建爲政府辦公廳 民國以來月日仍有從廢曆登記者并注

附錄

凌亞東思恩府白山土司人居感圩大牛腸張俊甯麥亞水皆其黨也道光二十八年九月與游匪乃利中合夥踞山心圩結白山土目黃菊陸松謀亂事洩二十九年思恩知府劉繼祖捕殺牛腸俊甯亞水惟亞東利中逸出咸豐元年與陸鵬理等附歸德土匪李中往來化州之牂柯江中沿江蔓擾安定土司潘梧往捕擒韋時傳等繼獲亞東適有武緣土匪恆勝堂張俊贊竄至亞東與合復大熾分遣張時贊羅五等竄歸德坡哨圩踞武緣之淥谷村自率大股回踞感圩以爲援十月署隆安縣高延祉率歸德土知州黃惟錦馳剿感墟至那卷賊中死之武緣知縣廣壽守備李成瑞克淥谷誅羅五等十一月右江鎮總兵谷韞燦思恩知府馬麗文潛攻感墟破其巢縛亞東及俊贊等利中逸入雲南二年七月潛回百色廳屬之竹村遊擊馬東旭縛之或作凌亞冬廣東欽州人

謝江甸思恩府人旗稱廣勝堂久踞山心圩爲巢咸豐元年八月糾恆志廣志各堂匪竄踞馬平